



VVernherus ille Rotenburgi ad Nicrum in oppido Sueviæ natus & educatus fuit. Is felici ingenio præditus à teneris annis literis incubuit, atque Vniuersitates passim uisitauit. Itaque factum ut in uirum doctissimum, philosophum, et Medicum euaserit. Hic cum nouam Academiam Basileæ à Pio secundo confirmatam intellexisset, eò sese contulit, atque primi Rectoris electioni interfuit. Is etiam ob morum integritatem & multifariam eruditionem Medicinæ professor, atque eius Facultatis primus Decanus constitutus fuit, anno millesimo quadringentesimo sexagesimo. Itaque id officium assumptum, magna diligentia administrauit, atque

eius ordinis leges & statuta scripsit & publicauit. In ciuitate etiam magna laude Medicinam exercuit.